

اسلامك نفعنه خادم مقالات
مم الت شكر قبول ونشر اولونور

يازانك شخصيتي دكل، يازينك اهميتي
نظر دقتت آليغير .

كلن يازيلردن شايان قبول كوردولنار
تاصح ميراسيله درج ايديلير .

كوننده ريجه جك آثار ، اوقوناقلي
ومختصر جه يازيلش اولماليدر .

ديني ، علمي ، ادبي ، اجتماعي

مخمس

۱۳۳۸

جمهوريه اسلاميه ايران

صاحب ، مدبري ، محردی :

اداره خانه سي :
بايزيد جامع ، شريفك تربيه قايي سي
قارشيسنده

مركز تويي :
باب عالي جاده سنده (اتحاد
بجارت) كتيخانه سي

آبونه بدلي :
سنة لکي ۱۰۰ غروش
آلتی آلتی ۵۰

مالك اجنييه ايچين ۲۵ غروش ضم
اولونماليدر .

آبونه قيدي معامله سي هرسته نك بونجي
وايكنجي آلتی آلتی اعتبار آ اجرا اولونور

فی: غروش
۱۰

جادی الاولى
۱۳۴۲



جلد
۴

عدد
۴۳

استغراق

سن ای شاعر! ته سټ عکس تجلی الہیسټ
 بو عمن کالاتندہ حقک سن دہ ماہیسټ
 محیطات ازلدن ایچدک عشقی بی تناہیسټ
 بشر سټ ، بی نظیرک صنعیسټ سن بی مضاہیسټ
 وجودک نسخہ کبری او خلاقک گواہیسټ
 باق اعجازات قدرتدن مثال اولدک مباہیسټ

*
*
*

اولور معراج علوی عجز ادراکک معالی بہ
 صفای محوی بول ، باشلا کلام بی مآلی بہ
 اوت ؛ عشق نیستانک چقار برج تعالی بہ
 نہدر؟ رتبہک کہ باقسہک شمدی فائق عرش عالی بہ

وجودک نسخہ کبری او خلاقک گواہیسټ
 باق اعجازات قدرتدن مثال اولدک مباہیسټ

*
*
*

چنلردن کلن ہر خندہ اخضر جلالہ
 بولوطلردن چیقان ہر نعرہ ظلمت جلالہ
 ایدرکن گور!.. تجلی سندہ اولمشدر کمالہ
 شو ہیکل ، ہیکل غفلت مزین درغالیہ ؛

وجودک نسخہ کبری او خلاقک گواہیسټ
 باق اعجازات قدرتدن مثال اولدک مباہیسټ

*
*
*

دوئر فوقکدہ انوار کبودی ، لجہ ظلمت ،
 ایدرتزین ذہب - رنگ التامات درد - زینت ،
 قر تیرہر شو کرسی فسادن پرتو وحدت ،
 کوش فوق بدایعدن طوغار لکن نہ قدسیت!..

وجودک نسخہ کبری او خلاقک گواہیسټ
 باق اعجازات قدرتدن مثال اولدک مباہیسټ

*
*
*

کستان عرش عاشق ، بلبلک فریادی جوشاجوش
 اورنکارنک امللرلہ چقار بیک لحن سودا پوش
 بوکا معکس افقلردن شو کلکون نغمہ خاموش
 یومضراب بیانی عرشہ یوکسلت فیضی ایتدک نوش:

وجودک نسخہ کبری او خلاقک گواہیسټ
 باق اعجازات قدرتدن مثال اولدک مباہیسټ
 اودہ مثلی خواجہ زادہ م . م معمر

غزل

اقبال ایلہ ادباری براق محض فنا اول
 بی نام و نشان اولمادہ مانندہا اول
 قارون کبی میل ایلہ دنیای دنی بہ
 ہرواریگی ترک ایتمہدہ عیسای سما اول
 آت بیت درونگدہ کی اشکال ورسومی
 عکس اور آینہ اسرار بقا اول
 اغیارہ براق دغدغہ بودونبودی
 آزادہ سرسلسلہ زلف سوا اول
 ایوب کبی صبر ایدرکک رنج الیمہ
 پیمانہ کش درد گرانبار قضا اول
 دل ویرمہ صاقین زلف زلیخای جہانہ
 یوسف کبی محتکش زندان جفا اول
 کہسار تمیدہ طوروب اولہ دہنباہ
 موسی کبی دمبستہ انوار خدا اول
 سعدی چالیشوب مسلک مستحسن حقہ
 بر پیشرو شاہرہ پیر جیا اول

شیخ حسین سعدالدین

یاووز زوہلیسنی زیارت...

یاووز!... بر اسم کہ؟ ہر کسی احترامہ مجبور
 ویاہارلقلریلہ حیرتہ غرق ایدر .
 شانلی یاووز؛ ماضی بہ قاریشان قہرمانلقریلہ
 تاریخ صحیفہ لرنده لایسنی بر فصل حیرت آجش و

بونکه تورکیانک شانی ده اعلا ایتشدرد .

حربك اك حاد دوره لرنده کی خارق العاده مهارتلی صانکه برر معجزه ایدی . وطنك حیات و مماتی مسئله سنی حل ایدن بو مدھش زرهلی بی زیارت ایتک نه بویوک شرف اولاجقدی . بختیار و مسعودم که ؛ بوشرفه مظهریتدن محروم قالمدم .

خلی زماندنبری اونی زیارت ایچون بنده بویوک بر آرزو واردی . لکن وقتک عدم مساعده سندن امهال ایدیوردم . نهایت قیمتی دقیقه لر مدن برقاچنی ، مظهر اولاجم شرفه مقابل جوق کورمیه رک فدا ایتیه قرار ویردم .

سرین ، ساکت بر صابادی .. یوله چیقدم .. بر قاچ دقیقه صوکر . اسکه ده بکله یوردم . دکر ساحله یا صلاشمش ، سسزمه ساکن ، ملول او یویوردی . اوزاقده شانلی یاووز ، بوتون هیبت وعظمتی ایله کورونویوردی . شجاعت وجسارتیه افتخار ایدن ومغلوبلری سیر ایله یین بر قهرمان کی اطرافی دیکله یوردی .

صولر ؛ سنه لر دنبری ، قربان اسارت وفلا کترده هجران اولان محبوبه سنه قاووشدینی ایچون بیاض قیریشقلر یا یارق گولوشیورلر ، خفیف فیصلیتلرله بر برینی تسعید ایدیورلردی .

دالغه جقلر ، قافله قافله زرهلینک یانه کیدیورلر و بیان خوش آمدی بی متعاقب بوشش زمین ایله خرده ده میرلرینی یالایوب دونیورلردی .

کونش ، افقده یاواش یاواش یوکسه لیوردی . قارا کلک کوشه لر برر پارچه نور براقه رق افقدن اوزاقلاشیوردی . زرهلی نک کونشه قارشلی اولان یوزی پارلاقدی . . اوقاق ویووارلاق پنجره لری ، ییللرجه حسرت چکدکن صوکر آرادینغی بولان یاشلی ، هجرانلی کوزلر کی پارلایوردی .

حرب سنه لرنده کی بورغونلغی ، کولومسه مه یین

یوزی ، حرکت مجالی قالمایان وجودی اغترف ایدیوردی . اسارت دوره ائیمه سنده چکدیکلی اضطراراتی ، محن ومشاقی ، عذاب وجدانیسنی اسارتده حامیسنک وحشیجه معامله سنه معروض قالدینی ، مأیوس چهره سندن ، نقصان اعضا سندن حزن منظره سندن آکلاشیلیوردی .

أوت!..! بك محزوندي!..! او قهرمان کندی قهرمانقلریله اسارت لایق اولمادیغنی اثبات ایتشدی . اوقورقونج هیبتله اسارت زنجیرینه قولنی اوزاتما . یاجغنی حربده طوبلرله دشمنلره اعلان ایتشدی . فقط ! هیهات ! . . .

وطنك اسارتی ایله کندیسیده اسارت محکوم اولدی وبش سنه لك بر دوره اسارتی ائیم اضطرارلر ، حزن ایکلر لی ایچنده برکوشه اترواده کچیردی . ایشته بوندن طولانی بك مأیوس وألئانک ایدی . اوزاقده او قهرمانک هیبتلی ، فقط حزن منظره سی ، انسانک کوزنده حزن و سرور غم لریله مزوج ایکی دورلو سرشک حصوله کتیریوردی . بری اسارتدن طولانی آلدینی خراب منظره سنک حاصل ایتدیک سرشک حزن .. دیکری ، ماضی ده کوستردیک بویوک موفقیتلرله استقباله اسکی حالی کسب ایده چی احتمالنک طوغوردینی دمع سرور .. ایشته زیارتک انطباعاتی اولارق بویکی یاشله عودت ایتدم .

مع مافیه سرورمدن متحصل یاش ، دیکرینه غالبدی . چونکه ؛ یاووز ، آرتق سربست ، حر . ایدی . استانبولک اسارت زنجیرینی قیران قهرمانلر اونک ده سلسله تعبدی قیرمش ، حیاته مالک اولدینغی اثبات ایتمش . وکندیسنه حریت بخش ایله مشدی . استقباله ، اسکی حالی و بلکه ده مکملنی کسب ایده رک ملته ، مملکتیه ده بر جوق یارارقلر کوسترمکه قهرمانلغی محافظه ایده چکدی . مهارتله ،

شجاعتر عرض ایدہ رک آورو یا لیلہ، پارماق لریخہ
آغز لریخہ کو تورتہ جکدی .

یاووز ، آرتق تور کیا صولرنده سربست
جولان ایدہ جک، کندیسنک و صاحبک ، حر،
وسربست و مستقل اولدیغی ، بوندن صوکر
کوزل وطنه خائن و حریص نظر لرله باقیلا میاجغی
ایجابنده طویلرله اعلان ایدہ جکدر .

۱۸ تشرین ثانی ۳۳۹

ابتدای داخل مدرسه سی صنف ۲ داغستانی زوالکرم

تعیین مسلك

انسانلر سعیمز یا شایامیوب کسب کار ایله
موسول اولق مجبوریتده درلر . شبهه مزدر که هر
بشخص اوغراشدینی و ترقی ایتسنی آرزو ایتدیکی
شیدن بر نتیجه و ثمره قطعیه امید ایدہر . بناءً علیه
مسلك مخصوص اتخاذ ایدلمسی ایچین انتخاب و اشتغال
اولونان شیء تاممی موفقیتی تأمین ایچین در حال
پایلماسی فکرینه ذاهب اولمادن اول دور دراز
دوشونه رک یاخود دوشونه بیانلردن صور ارق
قابلیتیه، میل فطریسیله متناسب مسلكی اوله بیلہ جکفی
تقدیر و بو صورتله آنی ترجیحدن صوکر قطعاً
آریلیا جغنی ده تعیین ایلیدرلر .

وقت کچیرمک طبایع بشریه اقتضاسندن اولق
اوزره انسانلر ، هر شیئی یدانقیاده آلمق هوسندن
هیچ بر زمان وارسته قالا مدقاری جهته متعدد
مسلكلره ، مختلف فکرلره دالوب چیقماقدن
کندیلرینی آلامیورلر . هر زمان، حتی دییه بیلر زکه
هر کون مسلكدن مسلكه ، دالدن داله اتلایان
قوش کی انسانلره تصادف ایتکده زکه، مع الالف
استقبالده ثباتیز فکر و مسلكلریله - هیچ بریسمنک

عهده سندن کله میه جککرنندن - بر نتیجه الده ایدہ میه -
جککری کی نه ایله اوغراشاجغی و بناءً علیه نه ایله
تأمین حال و معیشت ایدہ جککرینی حسابدن بر آن
فارغ قالا میاجقلردر! بو کون آجیقلی بر حالده و یاخود
ناقص مسلك مخصوص صاحبی کوردیکمز سزاوار
مرحمت انسانلر ، وقتنده ایلرینی دوشونمه مش :
نه یا به جغنی عقلمدن کچیرمه مش کیمسه لردر !

مثلاً : طلبه لکه، معلم لکه، محرر لکه، تجارتیه،
صنایعه انتساب آرزو سنده بولئانلر، قبل الانتساب
دوشونمه لی و حاللرینه موافق کوره جککری صنعتدن
آریلیا جقاری ده تصمیم ایلیدرلر !

بناءً علیه هر فردک محاذیر مستقبله سندن توقی
ایدہ بیللمسی ایچین «تعیین مسلك» دستور اساسینده
اتباع ضرورتی قارشیسنده بولوندیغندن، طو توندیغنی
مسلكک خارجنه چیقماق ، بالعکس اختصاصیه
نائل آمال اولق و مثلاً طلبه ارقداشلر مزک بعضیسی
کی بر قاچ سینه بر فکر، بر مسلكه خدمت ایتدکری
خالده «تعیین مسلك» ضرورت طبیعیه سنی تمامیه
تثیت ایدہ مدککرنندن یکی یکی فکرلر ، مسلكلره
میل کوستردکری کی، موفقیتیمز لکک عامل یکانه سی
اولان تردد آمیز حادثات قارشیسنده بولونماق
لازم کلیر !

شو حالده مسلك مخصوصنده بوتون عنیمیه
چالیشانلر ، آمال منویه لرندن محروم قالمایا جقارینی
قویاً ظن ایدیورز ! ..

ایزنیقی علی فطرت

مبیر صول : طاهر المولوی

مطبعة عامه